



En sabeda, ai 23 de dezember complësc **Rudi Valentin** da Fussé 86 agn. Le Senioreclub y düta la Comunité ti aoda dü't le bun, sanité y benedisciun de Dî.

**Conzert:** la Scora de Musiga tëgn n "conzert da Nadé" en lünesc ai 18 de dezember dales 18:00 te dljia a Al Plan. Al cianta y sona les scolares y i scolars dla Scora de Musiga dla Val Badia.

**Incuntada de grup "Atmosfera":** en jöbia ai 21 de dezember dales 15.30 ales 17.30 se incunta indô chësc grup de tëmp lëde por na picera festa da Nadé cun Irina Tavella y Barbara Rungger. Al se abina tla sënta dl Raiun Sozial Val Badia a Picolin. Informaziuns pro Sabine Rainer tel. 0474/524519. Vignun/üna é bëgnnüs y é dër bel inviá/des.


**Portina assistënza y cura:** le Raiun Sozio-Sanitar Val Badia lascia alsavëi che la portina assistënza y cura é da jená 2018 inant tla alzada a tera a man ciampa da jí ite, dlungia la portina da tó jö sanch, y é daverta ma plü dui iadi all'edema: lönesc dales 13.30 ales 16.00 y jöbia dales 9.30 ales 12.00 ( tel. 0474/586123 tratan chisc orars).

**Le Consëi Formaziun dl Comun de Badia adöm al Sorvisc ai Jogn** mët a jí dui dis de formaziun sura ci che al ó ester por mèter sö na band, cun Benni Valentin, tl Zënter dla Jonëza a La Ila, ai 29 y 30 de dezember. La partezipaziun é debann. Informaziuns y prenotaziun a [valentin@jogn.org](mailto:valentin@jogn.org) cina ai 23 de dezember.



Chë il nostro cuore non sia una fredda e gelida "grotta" ma sia una culla calda e piena d'amore per accogliere chi ci ha creati.

E questo è il Natale!



# Plata dla Ploania Badia San Iaco - San Linert

Ploan: Siur Iaco Wendelin Willeit  
Calonia Badia: 0471/839571  
E-Mail: [parrocchiabadia@libero.it](mailto:parrocchiabadia@libero.it)  
Radio dla Ploania: 91,10 Mhz

UNITÉ PASTORALA



[www.unitepastorala.org](http://www.unitepastorala.org)

Ann „B“ 17.12. - 24.12.2017 3<sup>a</sup> d' Advënt n. 03

## 3. ADVENT



### Vangele dla proscima domënia - 4<sup>a</sup> d'Advënt dl Ann „B“ Luc. 1. 26-38

Te chël tëmp é l'angel Gabriel gnü mené da Idî te na cité tla Galilea dal inom Nazaret da na viria; ara é impormetüda a n'ël dla ciasa de Davide che â inom Ujöp, y l'inom dla viria é Maria. L'angel é jü ite da d'ëra y á dit: Ave, tö plëna de grazia, le Signur é cun te. Ara s'á spor dü da gní baiada ados insciö y ara ponsâ do, ci che chësc salut dô significhé.

Ailló ti á l'angel dit: No te temëi, Maria; deache t'as ciaté grazia pro Idî. Te ciafaras y metaras al monn n' môt: a d'ël desste ti mète inom Gejü. Al sará gran y gnará nominé Fi dl Altiscim. Dî, le Signur, ti dará le tron de so pere Davide. Al regnará sura la ciasa de Iacob por dagnora y süa regnanza n'á degöna fin.

Maria ti á dit al angel: Co dess pa chësc sozede, deach'i ne conësci degun ël? L'angel ti á respognü: Le Spirit Sant gnará sön te y la forza dl Altiscim destenará süa ambria sura te. Chël che nasciará sará porchël sant y gnará nominé Fi de Dî. Ince Elisabeta, tüa parënta, á ciamó conzepí n' fi te süa eté; scemía ch'an aratâ ch'ara ne ciafass nia plü mituns, ëra é sëgn bele tl sesto mëis. Pro Idî ne n'él nia de imposcibl. Ailló á dit Maria: I sun la fancela dl Signur; al sozedes cun me sciöche t'as dit. Spo s'un é l'angel jü demez da d'ëra.



# FUNZIUNS SACRES

## 17.12. 3<sup>a</sup> DOMÈNIA de ADVÈNT "Gaudete" - Ann B

10.00 Mèssa por la Comunità

**19.30 RORATE: Uniun èles y cor Kerygma** (cianta le Kerygma)

†ta Clara Pescoller

†to Milio Costisella

• oferta de Advènt •

†ti dla fam. Flurian y Lucia Sottara

18.12. Lünesc

**07.30 Les Laudes**

19.12. Mertesc

**14.00 RORATE: scolars, seniores, vèdui/es** (cianta i scolars)

†ti Afra y Paul Declara

†ta Angela Valentini - aniversar

†ti fredesc Valentini de Pic'Tita

20.12. Mercui

**19.30 RORATE: paurs y familiars** (cianta le grup de Raimund)

†ta Maria Piccolruaz de Col d'Anví

†ta Anna Piccolruaz ved. Piccolruaz

†ti de Paula Ploner

21.12. Jöbia

**19.30 FUNZIUN PENITENZIALA**

22.12. Vëndres

**19.30 RORATE: Aministraziun de Comun** (al sona i Turmbläser)

†to Armando Bertoldi - aniversar

†ta Angela Irsara de Piz

por fam. Flurian y Lucia Sottara

23.12. Sabeda

**19.30 RORATE: defunc di ultimi 10 agn** (sona grup trumbètes)

†ti Emilia y Albino Sief

†ti dla fam. Davide y Tarina Campeï

por les animes dl purgatore

## 24.12. 4<sup>a</sup> DOMÈNIA de ADVÈNT - Vöia de Nadé / Ann B

10.00 Mèssa por la Comunità

**15.00 Madovines cun i mituns**

22.30 *Melodies y cianties da Nadé cun i Turmbläser*

**23.00 Mèssa solena de MADOVINES**

# Dala VITA dla CÛRA

## Ci bel Advènt ch'i un albü

Chèst'ann él sté bel da invern, mo plü bel ciamó i Rorate cun les uniuns y na bona partezipaziun. A düc, cis a chi ch'á fat n sorvisc y chi ch'á cianté y soné tan bel, n gran bel giulan.

I inviun ciamó ala funziun penitenziala y ales confesciuns por ester arjigná ales beles Festes da Nadé.

*Siur Degan*



## Funziun Penitenziala y confesciuns por Nadé

Düc é dër bel inviá ala Funziun Penitenziala en jöbia, ai 21 de dezèmbler dales 19:30 te dlijia

## Confesciuns

Domènia (17.12)

dales 17:00 ales 18:00

Sabeda (23.12)

dales 17:00 ales 18:00

Vöia de Nadé

dales 09:00 ales 10:00

dales 16:00 ales 17:00

Comuniun ai amará: en preparaziun ala festa de Nadé jará siur Degan en vëndres, ai 22 de dezèmbler dales 09:30 inant a proveder.

Oferta de Advènt – « Adventsopfer 2017 »: do chèsta präia l'ufize Aministraziun dla Diozeja por podèi finanzié les tröpes ativités ince a sorvisc de nosta Cûra. Ala gnará trata ite chèsta domènia, ai 17 de dezèmbler.

Rorate a La Spona de Pidro: en mertesc, ai 19 de dezèmbler dales 16:00. N grup de mitans y mituns dl Zënter Families Mareo abelirá le Rorate cun söes cianties. Düc é dër bel inviá da tó pert.



La « Lüm de Betlehem » vëgn indò portada dala schira jonila ai 24 de dezèmbler, vöia de Nadé, tratan les madovines da domisdé. Chi che ó la porté a ciasa dess se tó para na linterna.